

安南紀畧

劉憲孫著

欽定安南紀畧卷七

十一月十七日乙亥孫士毅奏言廣西官兵除在

諒山留後及防護糧運文報並分撥各關隘防守外其廣西進剿之兵臣原請五千名今現到者三千八百名臣已於十月二十八日帶領出關從諒山一路進發其廣東兵五千名內督標兵第一起五百名現已趕到軍營其餘尚須陸

續前來臣等在諒山等候官兵酌定道路業已
停留二日此時既有官兵四千三百名計數已
不為少若再俟湊齊前進轉似示賊以怯自應
即日遠進以警賊膽臣察看自南關至諒山雖
兩傍山勢萃劣徑路尚屬平易無礙通行諒山
城外隔有江水一道潘啟德已將竹筏編為浮
橋水面本不甚寬官兵接隊前進毫不費力其

自諒山至黎城道路錯雜處處可通探知賊人
分路埋伏共有六屯至多之屯不過三四千人
少者一二千人恃其地勢險惡妄希四路截出
驚擾官兵並圖阻塞糧運臣現與許世亨商定
將現有之兵先分兩路一支從諒山左邊枚坡
地方進路令知縣職銜林際清率領廠民義勇
帶道隨同官兵進剿此路地勢窄險僅可容路

兵多難以行走千餘已足一支從諒山右邊江
漢地方進路令潘啟德挑選得力士兵帶道隨
同官兵進剿此路地勢畧寬其險峻處有俗名
母子嶺鬼門關等處訪知從前本係該國陪臣
往來貢道近今數載以來該處為盜賊淵藪商
賈絕足不行山徑益復蒙茸鬱結臣思賊人總
於險峻處潛伏為四出衝突之計與其我兵為賊

所乘不若出其不意派令官兵直撲賊屯彼必
駭而潰逃不能抗拒中間尚有應行分路進剿
之處臣俟臨時再行親身察看與許世亨熟商
妥辦臣非敢多分徑路以孤兵勢緣詳查道路
其自南關至黎城兩頭俱尚平坦惟中間數百
里峻嶺崇岡灌莽叢雜不免險仄難行若兵數
過多轉致擁擠不前猝遇賊人亦復難以舒展

不得不將官兵分路行走使賊人探知各處少有官兵勢難抵禦而隨後未到之兵又復陸續前進則聲勢愈大賊人疑畏益深及至將到縣城道路平曠其時各路官兵即可由分而合軍威日益壯盛賊人自必望而奪氣臣再察補瘡傷整陣而進雖聞富良江面較寬賊人隔岸備禦亦固然到此有進無退之時我軍士氣更

百倍由上流賊人不及提防之處設法濟渡斷
可不致久稽時日。

同日孫士毅又奏言自六月間檄調各關隘防
守官兵以來臣興撫臣孫永清已飭令梧州南
柳四府附近水次州縣趕輾倉米運送太平寧
明龍州等處存貯除防守官兵陸續支給外尚
存二萬餘石自欽奉進兵

諭旨孫永清復趕緊催運又已先後運至南關及幕
府憲祥等處地方連前共有三四萬石計隨臣
出關兵糧現有七千餘石因探知前達山徑險
仄居多兵丁必須隨地準備與賊打仗恐隨身
裹帶太多不能得力是以只令攜帶五日口糧
其餘米石已由孫永清派出多員交與隨帶管
理支放之右江道宋文型督同管理糧臺之南

寧府顧葵鎮安府陳玉麟總司其事於關外酌
量地方險易隨宜安設糧臺當可源源接濟至
官兵分路之後勢難各處安臺只可于隨身裹
帶外酌派夫役幫同裹帶以利軍行查內地沿
邊一帶各土司見岑宣棟帶領土兵進剿獨當
一路人人感奮各帶土夫協同趲運軍糧經務
永清按名給以夫價並有隨帶土兵或一百數

十名或數十名俱稱感激

皇上天恩惟願隨同剿賊臣麾之使去籲求愈力擬
於沿途察看情形遇有險要處所糧站派令協
同官兵防守

同日孫永清奏言查派撥各府糧石均由水路
運至太平府之寧明州城脚價較為節省其自
寧明至關及出關以後均須由陸路妥設營站

以資稅運現在關內已按站安設停妥關外須

重地險易隨宜安設若官兵由正路按程長驅

直入則派定人夫按營滾運若隨時探路分兵

進剿則征兵隨身裹帶之外另派夫丁幫同裹

帶以利通行又田州土司岑宜棟願帶領土兵

分路進剿並帶土夫協同運送兵糧現亦酌給

夫價口食所需糧石為數無多即令就近之鎮

安府屬酌撥接濟至賞給廠民等米石一項除
已給過數百石外現經督臣

奏請以銀代穀並可節省輓運之費現在糧石已
運至關口之幕府憑祥等處共有三四萬石運
在寧明一帶又有二三萬石現又添撥平樂柳
州等屬倉穀分投碾輓以期源源接濟所有各
屬碾過穀石一面即飭藩司乘目下穀價平賤

之時發價採買還倉以期軍精寬綽有餘而各
屬倉廩仍充實無虞至派調廣東兵丁及候調
廣西征兵道里較遠並有不通陸路之處督臣
於十月二十八日出關尚有未能趕及當經派
委員弁分投催趲水陸並進日內即可全數出
關均奏入

上命軍機大臣傳諭孫士毅孫永清曰大兵甫經出

卷之七
關凡士兵士夫等無不感激思奮願效前驅而沿
邊天氣又屬清明軍行順利天時人事如此可見
孫士毅此往必能迅速成功現在該督籌辦一切
悉臻妥協嘉獎之餘更無可論惟盼捷音為急著
傳諭該督務當倍加奮勉迅速辦理總能于年內
遞到捷報更為全美事成之後孫士毅之功不小
自必渥加恩賞以示酬庸又據孫永清奏籌辦軍

精寬綽有餘等語。孫士毅既帶兵出關進剿，辦理糧餉事務，係孫永清專責，該撫亦應勉力妥備，成功後自然一併加恩。

二十四日，任孫士毅奏言：臣連日帶兵行走距諒山較遠，光景又復稍異，所過村寨俱為阮惠殘破，人民稀少。臣出關後，於分兵兩路之外，復令備弁帶領勇健兵丁各處偵探賊踪，與大兵

時離時合。賊人在遠處。瞻望見官兵。彌滿山谷。
不知共有多少。是以喪魄潛逃。不敢櫻鋒。凡遇
險阻。臣與世亨俱下馬。與官兵一例步行。弁兵
見之。無不人人踴躍。思奮其最險峻處。臣遙
望。頗具一夫當關之勢。及帶官兵攀援而上。絕
無阻格。計臣在諒山分兵兩路。一趨枚坡。一趨
江漢內枚坡。一路因道路叢雜。又分兩支。一支